



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 122. Dubium, an hic Canon sub Julio III. fuerit conceptus, atque approbatus.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

§. CXXII.

Sæc. XVI.
A.C. 1562.

Dubium, an hic Canon sub Julio III. fuerit conceptus, atque approbatus.

Hujus Præfulis verba Marinus Lantianensis Archiepiscopus, & Marcus Antonius Columna Tarantinus Archiepiscopus cum summa moderatione excipiebant, atque ad disputationis initium Hispani ex aliarum Nationum Episcopis paucos admodum, qui eisdem suffragarentur, ac decretum circa Episcoporum institutionem peterent, recensebant, postea vero eorum numerus augebatur: Porro validissimum, quod proferebant, hoc erat argumentum, quod ejusmodi declaratio ætate Julii III. non modo digesta fuisset a Præfulibus hanc in rem selectis, sed etiam a Synodi Patribus confirmata, nilque eidem defuerit nisi ejusdem promulgatio in Sessione facienda, adeoque contra jus fasque quodammodo videretur, id nunc Episcopis auferri, quod ipsis tunc concorditer adjudicatum fuerat.

Quapropter duntaxat agebatur de quæstione facti, utrum hic Canon re ipsa sub Julio III. fuerit conceptus, atque approbatus, jamque plures, qui huic relationi veritatem constare autumabant, Hispanorum partibus accedere

H h 3 para-

Sæcul. XVI
A.C. 1562

parabant: attamen Telefæ in terra Laboris Episcopus, qui regnante Julio III. Synodi Patribus a secretis erat, commentariis denuo lustratis, reperit illum Canonem non modo tunc a Patribus non firmatum, sed ne expensum quidem fuisse, quo supra modum gaviis legati, eorumque Princeps Cardinalis Mantuanus in cœtu quinta Novembris habito hujus rei præsens testimonium retulit.

§. CXXIII.

Hujus rei veritas in quadam Congregatione ab Episcopo Segobiensi propugnata.

Pallav. n. 8 Nihilominus Granatensis Archiepiscopus, cum prima vice in conventu die vigesima Octobris hujusmodi definitionem efflagitasset, tanquam precipuam sui petiti rationem proferebat, quod hic Canon sub Julio III. fuerit confirmatus, atque in hujus rei veritatem producebat testimonium Aialæ Segobiensis Episcopi, necnon Octaviani Præconii ex Ordine Fratrum Minorum Observantium tunc Archiepiscopi Panormitani, qui ambo hujus Pontificis ætate Synodo interfuerant. (*) Hos inter

(*) Subjungit Pallavicinus hæc verba: *Sanctæ*